

BOSNA I HERCEGOVINA  
FEDERACIJA BOSNE I HERCEGOVINE  
VRHOVNI SUD  
FEDERACIJE BOSNE I HERCEGOVINE  
Broj: 070-0-Su-24-000099-1  
Sarajevo, 14.02.2024. godine

**GODIŠNJI IZVJEŠTAJ**  
**O REALIZACIJI TROGODIŠNJIH CILJEVA**  
**VRHOVNOG SUDA FEDERACIJE BOSNE i HERCEGOVINE**  
**I**  
**GODIŠNJEG PROGRAMA RADA ZA 2023. GODINU**

## SADRŽAJ

<b>A. UVOD.....</b>	<b>3</b>
<b>B. Pregled realizacije aktivnosti po trogodišnjim ciljevima.....</b>	<b>6</b>
<b>B.1. Strateški cilj 1.,Unapređenje efikasnosti suda“.....</b>	<b>6</b>
<b>    Obrazloženje rezultata kod kojih je došlo do odstupanja u odnosu na očekivani godišnji rezultat unatar Strateškog cilja 1.....</b>	<b>7</b>
<b>    Obrazloženje aktivnosti za Strateški cilj 1.....</b>	<b>10</b>
<b>B.2. Strateški cilj 2 „Unapređenje kvaliteta rada VSFBIH“.....</b>	<b>11</b>
<b>    Obrazloženje rezultata kod kojih je došlo do odstupanja u odnosu na očekivani godišnji rezultat unatar Strateškog cilja 2.....</b>	<b>11</b>
<b>    Obrazloženje aktivnosti za Strateški cilj 2.....</b>	<b>12</b>
<b>B.3. Strateški cilj 3 „Unapređenje otvorenosti i dostupnosti informacija o radu VS FBIH stručnoj i široj javnosti, kao i strankama u postupku.....</b>	<b>12</b>
<b>    Obrazloženje rezultata kod kojih je došlo do odstupanja u odnosu na očekivani godišnji rezultat unatar Strateškog cilja 3.....</b>	<b>13</b>
<b>    Obrazloženje aktivnosti za Strateški cilj 3.....</b>	<b>14</b>

## A. UVOD

Vrhovni sud Federacije Bosne i Hercegovine (u daljem tekstu: Vrhovni sud FBiH) je ostvario većinu planiranih godišnjih rezultata. Zadovoljavajući i ostvareni rezultati su bili prisutni kod sva tri Strateška cilja. Tako je riješen značajan broj predmeta, 5.652 predmeta, te je značajno smanjen broj neriješenih predmeta, neriješeno na kraju godine 1.299 predmeta, tako da se smanjio broj neriješenih predmeta u odnosu na predhodni izvještajni period za 373. predmeta, pa je shodno tome savladavanje priliva na nivou suda bilo iznad 100% , upravo za 373 predmeta, a sve to doprinijelo je ostvarenju Strateškog cilja 1 „Unapređenje efikasnosti Vrhovnog suda F BiH“ i ostvarenju postavljenog trogodišnjeg cilja 1.1. Smanjenje prosječnog trajanja riješenih predmeta i 1.2. Smanjenje udjela neriješenih predmeta

U periodu 01.01.2023. do 31.12.2023. godine (u dljem tekstu: izvještajni period) ostvarena je prosječna kolektivna norma suda od 111,98%, koja norma je u odnosu na predhodni izvještajni period (121,15%) nešto manja, jer je sud u dijelu ovog perioda radio sa smanjenim brojem sudija (petoro sudija je otišlo u penziju), u toku 2023. godine veći broj sudija je bio na bolovanju, tako da je ukupno bolovanje u izvještajnom periodu iznosilo 786 dana, a ostala odsustva sudija sa posla iznosila su 567 dana. No bez obzira na sve navedeno smanjen je ukupan broj neriješenih predmeta za 373 predmeta, tako da je u Vrhovnom sudu FBiH na kraju izvještajnog perioda ostalo neriješenih 1.299 predmeta ili 19% (na kraju 2022. godine ostalo neriješenih 1.672 ili 23%), pa s obzirom na navedeno jasno proizilazi da je u trendu smanjenje broja neriješenih predmeta u radu.

U izvještajnom periodu, kao što je naprijed navedeno, smanjio se broj neriješenih predmeta na nivou suda za 373 predmeta, u Krivičnom odjeljenju za 21 predmet i Upravnom odjeljenju za 663 predmeta, dok se povećao broj neriješenih predmeta u Građanskom odjeljenju za 501 predmet. Povećanje broja neriješenih predmeta u Građanskom odjeljenju u izvještajnom periodu je posljedica povećanja priliva za 1.134 predmeta, te zbog velikog odsustva sudija sa posla (zbog bolovanja, edukacija i drugih odsustva).

Podaci o prosječnom trajanju riješenih predmeta prema izvještaju o poštovanju optimalnih i predvidivih rokova u zadnjih pet godina pokazuju kontnuirani napredak u efikasnosti suda u pogledu dužine trajanja predmeta U izvještajnom periodu na svim referatima, osim na Gž referatu, došlo je do smanjenja prosječne dužine trajanja riješenih predmeta. Tako je u odnosu na 2022. godinu došlo do smanjenja dužine trajanja riješenih predmeta i to: u Kž predmetima 42 dana, u revizionom postupku 13 dana, u postupku po zahtjevu za vanredno preispitivanje sudske odluke u upravnom sporu za 383 dana i upravnim sporovima 169 dana. U Gž referatu došlo je do neznatnog povećanja trajanja rješanih predmeta, za 11 dana, međutim to je posljedica povećanog priliva predmeta i odsustva sudija sa posla (bolovanje, edukacija i dr.).

Jedan od postojećih instrumenata za postizanje efikasnosti u radu je i donošenje Plana rješavanja starih predmeta, što proizilazi iz pregleda ostvarenih rezultata za zadnje tri godine, iz kojih je vidljivo da se planovi rješavaju u procentu od skoro 100% , u toku 2023. godine plan je ostvaren u procentu 99,88%.



Istovremeno moram naglasiti da se i u pogledu neriješenih predmeta kontinuirano smanjuje prosječno trajanje predmeta. Tako je u izvještajnom periodu u odnosu na 2021. godinu došlo do smanjenja dužine trajanja neriješenih predmeta i to: u postupku povodom žalbe na presudu u krivičnim predmetima za 75 dana, u postupku po zahtjevu za vanredno preispitivanje sudske odluke 301 dan i u upravnom sporu za 25 dana. kada je u pitanju revizioni postupak prosječno trajanje predmeta u izvještajnom periodu se povećalo za 23 dana, što je posljedica povećanog priliva predmeta i odsustva sudija sa posla, posebno zbog bolovanja.

U okviru suda posebno se prati rješavanje predmeta starijih od 1 godine, pa podaci pokazuju da se povećava broj riješenih predmeta starijih od 1 godina. U Krivičnom odjeljenju takvih je predmeta na kraju 2023. godine - 11 (1 predmet iz 2020. godine i 10 predmeta iz 2022. godine), u Upravnom odjeljenju -1 predmet (iz 2022. godine) i u Građanskom odjeljenju - 54 predmeta iz 2022. godine.

Kao što je navedeno u tabelarnom dijelu izvještaja u Vrhovnom sudu FBiH se smanjuje broj predmeta u radu, osim na reviziji gdje je zabilježen trend rasta priliva (za 1.134 predmeta). Međutim, posmatrajući podatke po odjeljenjima vidljive su razlike u broju neriješenih predmeta po vrsti. Od posebnog značaja za rad suda su predmeti ratnih zločina, korupcije i organizovanog kriminala. U izvještajnom periodu povećao se broj primljenih predmeta ratnih zločina za 5 predmeta, dok se broj predmeta organizovanog kriminala i koruptivnih krivičnih djela smanjio za 6 predmeta. Međutim, kada su u pitanju ratni zločini, bez obzira što je povećan broj primljenih predmeta (za 8 predmeta), povećao se broj i riješenih predmeta (za 16 predmeta), te se smanjio broj neriješenih predmeta (za 8 predmeta) u odnosu na predhodni izvještajni period. Kada su u pitanju predmeti organizovanog kriminala i korupcije u odnosu na predhodni izvještajni period smanjio se broj: ukupnih predmeta u radu za 8 predmeta, primljenih predmeta za 6, riješenih predmeta za 7 i neriješenih predmeta za 1. Međutim, i pored navedenih dobrih rezultata, posebno kada su u pitanju krivična djela ratni zločin i dalje će se pažnja posvetiti ovim predmetima radi efikasnijeg rješavanja istih. U tu svrhu i dalje će se insistirati na prioritetnom rješavanju ovih predmeta.

Prema pregledu odluka Ustavnog suda koje su zaprimljene 2023. godine, posmatrajući stanje u Odjeljenjima vidljive su značajne razlike. Prema ovim podacima broj ukinutih odluka po apelacijama pred Ustavnim sudom BiH iznosi 12,12% i povećan je u odnosu na predhodni izvještajni period (u 2022. godini ukinuto 12 odluka ili 5,51%), međutim u 2022. godini Ustavni sud je postupao povodom 218 apelacija, a u izvještajnom periodu povodom 33 apelacije (koje je uvažio u 4 predmeta, ukinuo presude Vrhovnog suda i naložio da se odluke donesu po hitnom postupku). I dalje će se pratiti odluke u kojima su uvažene apelacije i ukinute odluke Vrhovnog suda, te će se planirati posebne aktivnosti, na nivou Odjeljenja, što su rezultati mnogo bolji nego u predhodnom izvještajnom period.

Predsjednica suda je u junu mjesecu 2023. godine obišla kantonalne sudove, a u decembru iste godine održala je sastanak sa predsjednicima Kantonalnih sudova u Sarajevu. Prilikom posjete i na zajedničkom sastanku razgovaralo se o temama propisanim u članu 9. Poslovnika o unutrašnjem sudskom poslovanju<sup>1</sup>, u skladu sa planom sastanaka koji je donijela predsjednica suda, radi

<sup>1</sup> Poslovnika o unutrašnjem sudskom poslovanju FBiH (Službeni glasnik BiH broj 66/12, 40/14, 54/17, 60/17-ispravka 30/18).

uspostavljanja saradnje, razmjene iskustava i unapređenja efikasnosti rada sudske uprave, poštivanja zakonskih rokova, pitanja vezano za rad po starim predmetima, izvršenju krivičnih sankcija, nadzora nad izvršenjem pritvora i drugim pitanjima značajnim za pravilno funkcionisanje sudova u okviru svoje nadležnosti, kao i radi uspostavljanja što bolje saradnje sa predsjednicima kantonalnih sudova.

Vrhovni suda je opredijeljen za unapređenje otvorenosti i dostupnosti informacija o svom radu stručnoj i široj javnosti. U tom pogledu Vrhovni suda je u izvještajnom periodu provodio niz aktivnosti kojima se teži povećanju dostupnosti informacija o radu suda, te prati napredak, a to su sljedeće aktivnosti: proaktivni načini komunikacije (objavljivanje: sudskih odluka na web stranici suda, saopštenja za javnost, izdavanje biltena sudske prakse, otvaranje naloga na društvenim mrežama Twitter i LinkedIn) i reaktivni načini komunikacije (rješavanje u zakonskom roku zahtjeva za pristup informacijama, te postupanje po urgencijama).

I dalje je jedan od ključnih izazova sa kojim se susretao Vrhovni sud stvaranje preduslova da sva vijeća u okviru suda u svojim odlukama iznose jedinstvena pravna shvatanja, koja su za niže stepene sudove upućujuća. U tom prvcu Vrhovni sud je nastavio saradnju sa IPA projektom i Vijećem Evrope na obezbjeđenju uslova za rad Odjeljenja za evidenciju sudske prakse na izradi i punjnu elektronske baze podataka sudske prakse za Krivično, Građansko i Upravno odjeljenje. U toku 2023. godine potpisan je Protokol o zajedničkoj realizaciji aktivnosti vezanih za unapređenje procesa harmonizacije sudske prakse i transparentnosti rada najviših pravosudnih institucija u Bosni i Hercegovini, koji je zaključen između Visokog sudskog i tužilačkog vijeća Bosne i Hercegovine, Vrhovnog suda Federacije Bosne i Hercegovine, Vrhovnog suda Republike Srpske, Apelacionog suda Brčko Distrikta Bosne i Hercegovine i Suda Bosne i Hercegovine, što predstavlja nastavak vrlo važne aktivnosti koja je značajno intenzivirana i unaprijeđena u proteklih nekoliko godina u najvišim sudovima u Bosni i Hercegovini.

Pored naprijed navedenih parametara koji ukazuju da se Vrhovni sud orjentiše ka uspostavljanju ažurnosti, i dalje će se preduzimati mjere u tom pravcu. Insistirace se na prijemu sudija čija mjesta su upražnjena zbog odlaska u penziju jer je neophodno popuniti upražnjene sudske pozicije, zbog priliva sve obimnijih i složenijih predmeta (posebno krivičnih). Osim toga, na krivičnom referatu, došlo je do velikog priliva pritvorskih predmeta (377 predmeta povodom žalbi na rješenje o pritvoru), sa velikim brojem osumnjičenih, odnosno optuženih lica, velikim brojem krivično-pravnih radnji, kao i žalbi, koji predmeti su se prioritarno rješavali, zbog čega sudije nisu bile u mogućnosti da postupaju u predvidivim rokovima u svim ostalim krivičnim predmetima.

Radi osiguranja ažurnosti suda u toku cijele godine predsjednica suda preduzimala je odgovarajuće mjere, pa je tako:

- zbog potpune realizacije ciljeva iz člana 2. Uputstva za izradu plana rješavanja predmeta u toku cijele godine vršila je preraspodjelu predmeta iz toga plana, tako što je neriješene predmete od sudija koji su se nalazili na dužem bolovanju, izuzimala putem CMS sistema i na isti način dodjeljivala sudijama koji su u momentu sačinjavanja plana postupali po predmetima koji su obuhvaćeni Planom rješavanja starih predmeta;



- zbog izražene opterećenosti predmetima vršila je preraspodjelu predmeta tako što su se putem CMS izuzimali predmeti od sudija koji su imali veliki broj predmeta u radu i na isti način radi ujednačavanja obima posla, dodjeljivala predmete ostalim sudijama u tim odjeljenjima;

- redovno je održavala radna tijela, pa je na sastancima radnih tijela analizirano izvršenje Plana rješavanja starih predmeta, a u Krivičnom odjeljenju i Plan rješavanja ratnih zločina. Predsjednici odjeljenja su mjesečno dostavljali izvještaje o radu odjeljenja za svakog sudiju pojedinačno koji je sadržavao evidenciju o završenim starim predmetima, a u Krivičnom odjeljenju i predmetima ratnih zločina, koji izvještaji su analizirani na mjesečnom nivou. Na sjednicama odjeljenja insistiralo se da se hitni predmeti odmah uzmu u rad i rješavaju u što kraćem roku, na Upravnom i Građanskom referatu predmeti koji su po zakonu hitne prirode, a na Krivičnom referatu pritvorski predmeti, predmeti povodom određivanja privremenih mjera, predmeti visoke korupcije i organizovanog kriminala, kao i predmeti ratnih zločina, te se insistiralo da se ostali predmeti rješavaju u razumnom roku prema redoslijedu obzirom na starost inicijalnog akta.

## B. PREGLED REALIZACIJE AKTIVNOSTI PO STRATEŠKIM I TROGODIŠNJIM CILJEVIMA U PLANSKOJ GODINI

### B-1. Strateški cilj broj 1 - „Unapređenje efikasnosti Vrhovnog suda F BiH“

<b>Strateški cilj 1</b>		<b>Unapređenje efikasnosti Vrhovnog suda F BiH</b>	
<b>Doprinos ostvarenju strateškog cilja</b>	Vrhovni sud Federacije Bosne i Hercegovine je nastavio da rješava značajan broj predmeta u Krivičnom, Građanskom i Upravnom odjeljenju što direktno doprinosi unapređenju efikasnosti u radu i čime se osigurava ažurno rješavanje predmeta. U tri odjeljenja je riješeno je 5.638 predmeta što predstavlja značajan rezultat.		
<b>Trogodišnji cilj 1.1.</b>	Smanjiti prosječno trajanje riješenih predmeta		
<b>Pokazatelji za krajnje rezultate</b> (preuzeti iz godišnjeg programa rada)	<b>Očekivani godišnji rezultat</b> (preuzet iz godišnjeg programa rada)	<b>Realizirani rezultat</b>	
Prosječna dužina trajanja Kž predmeta	272	230	
Prosječna dužina trajanja predmeta Revizije	125	112	
Prosječna dužina trajanja predmeta na Uvp referatu	659	230	

<b>Trogodišnji cilj 1.2.</b>	Smanjiti udio neriješenih predmeta		
<b>Pokazatelji za krajnje rezultate</b> (preuzeti iz godišnjeg programa rada)	<b>Očekivani godišnji rezultat</b> (preuzet iz godišnjeg programa rada)	<b>Realizirani rezultat</b>	
Broj riješenih predmeta u Krivičnom odjeljenju	878	787	
Broj riješenih predmeta u Građanskom odjeljenju	1.778	3.330	
Broj riješenih predmeta u Upravnom odjeljenju	1.966	1.535	

### **Obrazloženje za rezultate kod kojih je došlo do odstupanja u odnosu na očekivani godišnji rezultat unutar Strateškog cilja 1**

Vrhovni sud FBiH je u sklopu strateškog cilja 1. „Unapređenje efikasnosti Vrhovnog suda F BiH“ kao što je vidljivo postavio dva trogodišnja cilja koji se odnose na smanjenje prosječnog trajanja riješenih predmeta i smanjenje udjela neriješenih predmeta (povećanja broja riješenih predmeta). Vidljivo je da pokazatelji ukazuju da su ostvareni zadovoljavajući rezultati. Pojedini su rezultati poput broja riješenih predmeta u Građanskom odjeljenju (1.555 više riješenih od planiranih), dok je u Krivičnom odjeljenju riješeno manje 91 predmet, a što je neznatno u odnosu na ukupan broj riješenih predmeta (787 predmeta), međutim to je posljedica povećanog priliva i odsustva sudija sa posla (350 dana bolovanja, 163 dana ostalog odsustva).

U Upravnom odjeljenju riješeno je manje 431 predmeta u odnosu na plan, što je posljedica smanjenog priliva, a time i manjeg broja predmeta u radu (za 1.342 predmet), ali je u trogodišnjem periodu smanjen broj neriješenih predmeta za 3.450 predmeta što predstavlja veliki napredak.

Pregled realizacije aktivnosti:

<b>Trogodišnji cilj 1.1.</b>	Smanjiti prosječno trajanje riješenih predmeta		
<b>Pregled realizacije aktivnosti</b>			
<b>Redni broj</b>	<b>Naziv aktivnosti</b>	<b>Nosilac</b> (najmanji organizacioni dio)	<b>Realizacija</b> (završeno /djelimično /nezavršeno)
1.1.1	Izrada kvartalnih planova rješavanja starih predmeta za svakog sudiju Krivičnog odjeljenja	Sud	<b>Završeno</b>



1.1.2.	Analiza izvještaja o završenim starim predmetima iz plana, koji dostavlja predsjednik Krivičnog odjeljenja svakog mjeseca	Krivično odjeljenje	<b>Završeno</b>
1.1.3.	Sastanak sudija Krivičnog odjeljenja	Predsjednica Vrhovnog suda, Predsjednik krivičnog odjeljenja I sve sudije	<b>Završeno</b>
1.1.4	Izrada kvartalnih planova rješavanja starih predmeta za svakog sudiju Građanskog odjeljenja	Sud	<b>Završeno</b>
1.1.5.	Analiza izvještaja o završenim starim predmetima iz plana, koji dostavlja predsjednik Građanskog odjeljenja svakog mjeseca	Gradansko odjeljenje	<b>Završeno</b>
1.1.6.	Sastanak sudija Građanskog odjeljenja	Predsjednik Građanskog odjeljenja i sve sudije	<b>Završeno</b>
1.1.7	Izrada kvartalnih planova rješavanja starih predmeta za svakog sudiju Upravnog odjeljenja	Sud	<b>Završeno</b>
1.1.8.	Analiza izvještaja o završenim starim predmetima iz plana, koji dostavlja predsjednik Upravnog odjeljenja svakog mjeseca	Upravno odjeljenje	<b>Završeno</b>
1.1.9.	Sastanak sudija Upravnog odjeljenja	Predsjednik Upravnog odjeljenja i sve sudije	<b>Završeno</b>



<b>Trogodišnji cilj 1.2.</b>		Smanjiti udio neriješenih predmeta	
<b>Pregled realizacije aktivnosti</b>			
<b>Redni broj</b>	<b>Naziv aktivnosti</b>	<b>Nosilac (najmanji organizacioni dio)</b>	<b>Realizacija (završeno /djelimično /nezavršeno)</b>
1.1.1	Izrada kvartalnih planova rješavanja starih predmeta za svakog sudiju Krivičnog odjeljenja	Sud	<b>Završeno</b>
1.1.2.	Analiza izvještaja o završenim starim predmetima iz plana, koji dostavlja predsjednik Krivičnog odjeljenja svakog mjeseca	Krivično odjeljenje	<b>Završeno</b>
1.1.3.	Sastanak sudija Krivičnog odjeljenja	Predsjednica Vrhovnog suda, Predsjednik krivičnog odjeljenja odjeljenja I sve sudije	<b>Završeno</b>
1.1.4	Izrada kvartalnih planova rješavanja starih predmeta za svakog sudiju Građanskog odjeljenja	Sud	<b>Završeno</b>
1.1.5.	Analiza izvještaja o završenim starim predmetima iz plana, koji dostavlja predsjednik Građanskog odjeljenja svakog mjeseca	Građansko odjeljenje	<b>Završeno</b>
1.1.6.	Sastanak sudija Građanskog odjeljenja	Predsjednik Građanskog odjeljenja odjeljenja i sve sudije	<b>Završeno</b>
1.1.7	Izrada kvartalnih planova rješavanja starih predmeta za	Sud	<b>Završeno</b>

	svakog sudiju Upravnog odjeljenja		
1.1.8.	Analiza izvještaja o završenim starim predmetima iz plana, koji dostavlja predsjednik Upravnog odjeljenja svakog mjeseca	Upravno odjeljenje	<b>Završeno</b>
1.1.9.	Sastanak sudija Upravnog odjeljenja	Predsjednik Upravnog odjeljenja odjeljenja i sve sudije	<b>Završeno</b>

### **Obrazloženje aktivnosti ( načina i stepena realizacije aktivnosti) za strateški cilj 1.**

Ključne aktivnosti u rješavanju predmeta, uključujući i predmete starije od jedne godine su činjenice da su sva odjeljenja Vrhovnog suda FBiH redovno izrađivala detaljne kvartalne planove za rješavanje predmeta po sudiji, te njihovu analizu, odnosno stalno praćenje realizacije čija je uspješnost bila redovna tema na sastancima Krivičnog, Građanskog i Upravnog odjeljenja. Na sastancima se redovno raspravljalo o izazovima u radu u rješavanju pojedinih predmeta gdje su se iznalazila adekvatna rješenja u prevazilaženju identifikovanih izazova.

S tim u vezi, u Građanskom odjeljenju postignuti su bolji rezultati od planiranih zahvaljujući dobroj organizaciji posla i preduzimanim mjerama. Tako je pored pravilnog rasporeda sudija, u toku cijele godine vršena presignacija predmeta putem CMS radi ujednačavanja obima posla kod sudija, te je vršena presignacija predmeta iz plana i ostalih predmeta sudija koji su bili na bolovanju dužem od tri mjeseca.

U Krivičnom odjeljenju nije riješen planiran broj predmeta u cjelosti ( 91 predmet manje), iz razloga što je u Krivičnom odjeljenju bio velik broj odsustva sa posla sudija zbog bolovanja (350 dana) i ostalih odsustva sa posla (163 dana), te što su popunjene dvije sudijske pozicije u Krivičnom odjeljenju tek u julu mjesecu. U Krivičnom odjeljenju ukupna odsustva iznosila su 513 dana, pa obzirom da je godišnji normativ rada sudija 260 radnih dana, zbog tolikog odsustva proizlazi da cijelu godinu nije radio dvoje sudija i da pola godine nisu popunjene dvije sudijske pozicije, iz čega proizlazi da u Krivičnom odjeljenju nije radilo u prvoj polovini godine nije radilo četvero sudija i u drugoj polovini dvoje sudija. To je uticalo na to da se u Krivičnom odjeljenju ne riješi planirani broj predmeta.



U Upravnom odjeljenju kontinuirano se u izvještajnom periodu smanjivao priliv predmeta, a time i broj predmeta u radu, koja činjenica nije planirana, što je dovelo do toga da se nije mogao riješiti planirani broj predmeta, jer je ukupno u radu bilo 1.667 predmeta. Od toga broja predmeta ostalo je neriješeno 132 predmeta, što je pozitivan rezultat unutar strateškog cilja unapređenje efikasnog rada Vrhovnog suda FBiH.

## B.2. Strateški cilj 2 - „Unapređenje kvaliteta rada Vrhovnog suda F BiH“.

<b>Strateški cilj 2</b>	<b>Unaprijediti kvalitet rada Vrhovnog suda F BiH</b>	
<b>Trogodišnji cilj 2.1.</b>	Smanjiti omjer uvažениh apelacija na odluke Vrhovnog suda F BiH od strane Ustavnog suda BiH (ukinutih odluka)	
<b>Pokazatelji za krajnje rezultate</b> (preuzeti iz godišnjeg programa rada)	<b>Očekivani godišnji rezultat</b> (preuzet iz godišnjeg programa rada)	<b>Realizirani rezultat</b>
Procent ukinutih odluka Vrhovnog suda FBiH od strane Ustavnog suda BiH	5,51%	12.02%

<b>Trogodišnji cilj 2.2.</b>	Osigurati pretpostavke za iznošenje jedinstvenih pravnih shvatanja od strane sudija Vrhovnog suda F BiH	
<b>Pokazatelji za krajnje rezultate</b> (preuzeti iz godišnjeg programa rada)	<b>Očekivani godišnji rezultat</b> (preuzet iz godišnjeg programa rada)	<b>Realizirani rezultat</b>
Povećati broj izrađenih sentenci iz odluka suda	364	412 (13,19% više)

## Obrazloženje za rezultate kod kojih je došlo do odstupanja u odnosu na očekivane godišnje rezultate unutar Strateškog cilja 2.1.

Posmatrajući stanje po Odjeljenjima, vidljive su značajne razlike; niti jedna apelacija na odluke Krivičnog odjeljenja Vrhovnog suda FBiH nije ukinuta, dok su uvažene apelacije na odluke Građanskog i Upravnog odjeljenja. U toku 2023. godine, protiv odluka Vrhovnog suda FBiH, Ustavni sud BiH postupao je ukupno u 33 apelacije, a u 2022.godini u 218 apelacija, iz čega proizlazi da je u 2023. godini višestruko smanjen ukupan broj apelacija u odnosu na 2022. godinu (185 apelacija manje ili 84,87%). Poređenjem ukupnog broja zaprimljenih apelacija u odnosnim godinama uz uvažavanje ovih odstupanja, može se potvrditi srazmjerni uspjeh u pogledu omjera ukupnog broja ukinutih odluka u odnosu na ukupan broj odluka Ustavnog suda BiH što predstavlja

pozitivan rezultat unutar Strateškog cilja Unapređenja kvaliteta rada Vrhovnog suda Federacije Bosne i Hercegovine.

## **Obrazloženje za rezultate kod kojih je došlo do odstupanja u odnosu na očekivane godišnje rezultate unutar Strateškog cilja 2.2.**

Redovnom organizacijom rada Odjeljenja za evidenciju sudske prakse se osiguralo da 11 sudija iz Krivičnog, Građanskog i Upravnog odjeljenja učestvuju u radu na usaglašenoj sudskoj praksi. U 2023.godini u internu bazu su unesene ukupno 412 sentence uz 373 anonimizirane odluke, što je više za 13,19% u odnosu na očekivabi godišnji rezultat. Kako je u 2022.godini uneseno 364 sentenci sa odlukama Vrhovnog suda, to je kao relevantan podatak i polazna osnova za buduće planiranje uzet broj unesenih sentenci iz 2022.godine.

### **B.3. Strateški cilj 3 - „Unapređenje otvorenosti i dostupnost informacija o radu Vrhovnog suda F BiH stručnoj i široj javnosti kao i strankama u postupcima“.**

<b>Strateški cilj 3</b>		<b>Unapređenje otvorenosti i dostupnost informacija o radu Vrhovnog suda F BiH stručnoj i široj javnosti</b>	
<b>Doprinos ostvarenju strateškog cilja</b>	Transparentno postupanje i informisanje javnosti doprinosi osiguranju unapređene otvorenosti i jačanju povjerenja građana u Vrhovni sud i pravosudnu zajednicu.		
<b>Trogodišnji cilj 3.1.</b>	Povećati dostupnost informacija o radu suda		
<b>Doprinos ostvarenju trogodišnjeg cilja</b>	Izdavanje publikacija, uspostavljena evidencija urgencija i njihovo efikasno rješavanja, izdavanjem saopštenja i objava se Vrhovni sud pozicionirao kao pravosudna institucija otvorena za javnost.		
<b>Pokazatelji za krajnje rezultate</b> (preuzeti iz godišnjeg programa rada)	<b>Očekivani godišnji rezultat</b> (preuzet iz godišnjeg programa rada)	<b>Realizirani rezultat</b>	
Broj izdatih publikacija i biltena	1	1	
Broj riješenih urgencija	45	48	
Broj objavljenih sudskih odluka na web stranici suda	152	165	



Broj izdatih saopštenja za javnost o završenim krivičnim, građanskim i upravnim predmetima	69	84
Broj donesenih rješenja prema Zakonu o slobodi pristupa informacijama	105	110

### Obrazloženje za rezultate kod kojih je došlo do odstupanja u odnosu na očekivani godišnji rezultat unutar Strateškog cilja 3

Vrhovni sud Federacije BiH je ostvario i vrlo zadovoljavajuće rezultate u odnosu na postavljene pokazatelje. Tako je izdat planirani broj publikacija i biltena. Pored toga je zaprimljeno 34 urgencija, manje za 11 urgencija u odnosu na planirani broj i po svima urgencijama je postupljeno u roku od 15 dana, što u konačnici ukazuje na skraćivanje vremena rješavanja predmeta i na postepeno vraćanje povjerenja građana u rad suda.

Izdata su 84 saopštenja za javnost o završenim krivičnim, građanskim i upravnim predmetima, što je skoro identično sa planiranim brojem. Ujedno je u odnosu na planiranih 105 zahtjeva za pristup informacijama, postupano u 110 zahtjeva.

Pregled aktivnosti:

<b>Trogodišnji cilj 3.1.</b>	Uspostaviti dostupno, redovno i transparentno informisanje javnosti		
<b>Pregled realizacije aktivnosti</b>			
Redni broj	Naziv aktivnosti	Nosilac (najmanji organizacioni dio)	Realizacija (završeno /djelimično /nezavršeno)
3.1.1	Pružanje povratnih informacija na podnesene urgencije u što kraćem roku	Predsjednica suda i Predsjednici odjeljenja	<b>Završeno</b>
3.1.2	Poboljšati kvalitet informacija, obezbjediti blagovremenost, tačnost i dostupnost javnosti informacija o radu suda	Službenik za informisanje i Odsjek sudske pisarnice	<b>Završeno</b>

3.1.3.	U mjeri u kojoj to Zakon dozvoljava informacije o radu suda dostavljati preko službenika za informisanje redovnim ažuriranjem web stranice suda, unapređivati sadržaj, izgled i dostupnost web stranice Vrhovnog suda F BiH	Službenik za informisanje	Završeno
--------	---	---------------------------	----------

### Objasnenje aktivnosti ( načina i stepena realizacije aktivnosti) za strateški cilj 3

Sve planirane aktivnosti su se redovno i kontinuirano provodile što je doprinijelo direktno ostvarenju planiranih pokazatelja za trogodišnji cilj. Vrhovni sud Federacije Bosne i Hercegovine je bez odlaganja postupao i odgovarao na dostavljene urgencije što je direktno uticalo na smanjenje broja zaprimljenih urgencija. Poseban fokus rada je bio na unapređenju web stranice Vrhovnog suda kroz unapređenju sadržaja objava, te je otvoren nalog na društvenim mrežama Twitter i LinkedIn, što jeste bila provođena aktivnost tokom cijele 2023. godine.


  
 Predsjednica Vrhovnog suda  
 Federacije BiH  
  
 Vesna Stanković Čosović